

Firooji

Fulakundaare	Fuutoraŋkoore
hattaade	yeewnude
dooñaa	kurjuru
kummbaaji	bamđi tuge
jiwo	mboomri
battane	hoddiro

Nimse ngadduđe jam ñee 1 Mammadu Senegaal

Certindinaa-mi he neene am

Mino winnda fii mi holla on hono mbaaw-mi hebrude jaabuye he mette am hee.
Ko ngonnoo-mi cukayel koo, neene am e baaba am mbeldaano.
Hay no be jogino kaales, jam wonaano hakkunde mu'en.
Ko neene am hofoyi foti jonte koo, baaba am aranni kam.
Mbo loobii abete.
Men kodofoyi to mi anndaa.



Mi weltino sabu ko woowi koo, mbo wadfanatno kam ko weltinta kam koo.
Ndee ñannde kala, mi sikkuno ho ko no dum nii, kono ndee ñannde wonaa noon wa'ino.

Certindinaa-mi he baaba am kala

Gila ndee ñannde mi wondi he baaba am he baawo neene am.
Balde seeda to yeoso, puddu-mi **hattaade** neene am.
Mi siwtori mi wi'no baaba am no mbo nafta kam to neene am, kono mbo jaabaani.
Nde wonno mbon yidi kam no bete,

Lisez-vous français ? Do you read English?
O leitor sabe ler português?

Pulaar **Français** **English** **Português**
b'B ñeils.....theyeles
d'D didi.....deux.....two.....dois
c'C coggu.....prix.....price.....preço
h'H haako.....feuilleleaffolha
j'J janngoo.....demain.....tomorrow.....amanhã
ñ'Ñ ñaaki.....abeillesbeesalbelhas
ñ'ñ' ñatde.....mordreto bite.....morder
y'Y yiyam.....sang.....blood.....sangue
ee neene.....mère.....mothermãe
oo soodde.....acheter.....to buy.....comprar
(Ngannde: ñ = ny)

mbo wadi fof
fii haa mi yejjita neene am.
Haa seeda tan, gaccu-mi wullude e lamndaade neene am.
Baaba am gollatno ñannde wo, fii haa mi yifataa hay huunde.
Sabu mbo yurmaa kam no bete, mbo yidaa mi heba tampereiji gaynaako suudu jemma dii.
Awa, mbo wi'i kam:
"Janngo mi nabat ma to gido am booydo, sabuna ko maa mi gollu tigi, haa mi toppitoo ma no fotiri nii."
Mi yidaano seertude he baaba am kono mi yidaano kala mbo tampilde.
Janngo muudum, no mbo haaldunoo nii, men njahi Dakaa.

Tampere to Dakaa

Toon, he nder duubi tati, mi tampi.
Ko kiikiide tan toppitanoo -mi. Ñalooma, ko to **dooñaa** too, ñaamatnoo-mi, taa beedaa yimbe galle fof, ben kebi ko yonata be.
Ko miin e **kummbaaji** dii ñaamatnood.
Si mi ñaamdiino he hoddiibe bee han, mi lippetenno
Ko he dii duubi cattudi puddu-mi daabuude Alla tigi tigi, hay no keb-mi duubi jeego nii.
Mino mijothonoo hono Alla wa'nood.
Hombo mbo woni?
Hoto mbo hodii?
Hoo ko no yimbe bee nii mbo wa'i?
Hoo mbo annduno kam?
Duubi keewdi mi hebaani hay jaabuye.

Nde puddu-mi annude diina

Ko keb-mi duubi jeenayi koo, baaba am jaabi mi tawtoy neene am, to Ces.
Ko to neene am puddii-mi anndude diina.
Sabu neene am e gorko mum njannginatno kam sariyaaji diina mu'en kaa.
Mino hoolinoo no bete ho si mi abboriino noon han, mi waawatno tigi anndude Alla goonga oo, tagdo asamaan oo e leydi ndii.
Ñannde yoo,

do he ko sallijo oo noddinta koo, baaba am findinatno men.

Si men calligima han, gooto yoo juulatno e fawatno darde godde kala, sabu di wi'anoo ko no pot-den juulde yoo, janaale men ñee jalbirta.

Dum danndatno en to yeoso Alla, ñannde ñaawoore ndee.

"Mi waasi hebde jam"

Sabu kaa haala, mi wadatno kala no mbaawru -mi.

Dum fof fii hebde hoolaare danndoore ndee e fii fotdude aljanna oo. Wi'atno, mi fotaani jogondirde junngo he **jiwo**, walla mi laarat dum to geeyi gite too.

Dum welantaano Alla.
Kono he waawde noon fof wa'de, he nder am, mi waasi hebde jam.

Kiikiide yoo, to galle too, baaba amen wi'atno men: "Nannde janngo tiidoyer tigi, sabu yimbe bee e jinneeji dii, gooto yoo seedtoyo uuwerde mum ndee, ga leydi gaa."

Mbo wi'atno men kala, no alkuraana wi'ri nii: "Neddo, kala ko wadi, waawtaa anndude si Alla danndat mbo aljanna. Ko Alla tan anndi **battane** kala gooto."

Haa he batuuji Islam dii mi nanatno hoo no dii nii piiji

Mette am dee di mawnatnoo, kono mi wakkiliima sabu mi yi'aano laawol ngongol danndoowol.

Ko keb-mi duubi sappo koo, mi joginooma wakkilaare habanaade Lismaam e lugginde ganndal am ngal he alkuraana hee.



Diin waktuujj Iran e Irak kabondiratno .

Nguurndam Alhajji

(Feccere diidmere nde)

Alhajji Wontii Almuudo Ceerno

E oon sahaa,
ngontu-mi ko almuudo kaaw am.
O woni e jannginde kam
gede keewde paytude e kur'aana.
Woni anniya makko e am
ko wadture mi ceerno ganndaado.
Ko heewi e yimbe
ina njettoo seernaabe
haa ina mballa dumen
walla yo **njoftano** dumen.
Ko be yimbe teddinaabe
e hormaabé no feewi.
Kaaw am teddinii kam no feewi
nde o subii kam e renndude e mum
sirluuiji makko.
Weltaare nanngi kam,
ngon-mi tan ko e toni hunuko makko.
Mi suusaat **telbitde** mo.

"Ada hedii mi, binngel am?"

Ko buri heewde, min njoodotonoo
ko neder suudu makko.
Oo joodoo e joodorgal makko,
miin mi joodo e leydi, yeeso makko.
O fuddortonoo jamirooje makko
ko dii konnguli:
"Aan ada hedii mi, binngel am?"
Mido siftora no feewi,
maandeeji o wadatnoo,
kañum e daande makko nde o fayi
e njannginde mi.
Sahaaji kaaw am ina nawa mi
nder **genaale**.
O holla kam no nedso haaldirta
e maaybe.
Jaabawuuji mabbe no mballa kaaw am
e talki makko
buratno okkude doole.
Tawi, gooto e yimbe ligganteebe he,
yidii anndude ko foti arde.
Kaaw am ina huutoro
gertogal ganndinoowal mbirniindi.

"Mi haawaama no feewi"

Mido sikkunoo wonde kajko
e seernaabe wodbe be
ko yimbe heewbe doole,
waawbe foodde ganndal e Alla.
(Caggal d'um, nde njanngu-mi Biibal
e laabi Joomiraado,
paam-mi wonde dee doole iwi
ko e Seytaane.
Min njokkondiri
ko e maleykaaji diiwanoodi asamaan.)
Mi haawaama no feewi,
nde kaaw am holli mi
ko fayti e boccoonde.
Boccoonde suuwaande
bineegara yaafat.
Dum yawti
e nde waawi naatneede
e neder butel
tawa alaa tampere.



So dum yawtii, boccoonde nde yoorta
e neder butel hee.
Oon sahaa nde yaltintaako.
So en yetti bineegara,
en juuri e neder butel he,
nguru boccoonde ngu yaafat.
Ndeen noon dum sadtaa yaltinde.
Boccoonde nde filee
gaarawol danewol, foodaa,
njaltinaa nde e butel,
he yeeso yimbe.
Been maa miijo e wonde
oo ceerno ko gorko mawdo.

Omo waawi haangeede

Ganndal kaaw am
ina wondi e doole mawde.
Omo wada
sadakeeji di jinneji yamirii fof,
ko fayti e golle de o wadata de fof.
Omo aadondiri e jinne biyeteedo
Samharuuye o.
Ko adii ko, omo noddia oon.
O ittata ko ndamiri e mbeewa,
o sakkoo.
Dum ina yahda
e gede godfe keewde.
Kaaw am, hitaande fof,
hesditinat aadi oo.

Firooji	Fulakundaare
njettoo	njottoo
njoftano	njoftano
sirluuiji	gunndooji
telbitde	yeddude
Sahaaji	Jolde han
genaale	janaale
Caggal d'um	Oon tuma
gaarawol	borowol
ngummitii	gaccii
keyd'i	halaa
mboomri	jiwo
balabe	balbe
e neder dumunna	he waptu
did'dal	fedde
leppi	selbi
naamnal	lamndal
yiilaade	dabbitde

So wonaa d'um,
jinne o warat miñiraawo makko
walla gooto e yimbe galle makko.
Kajko e hoore makko,
omo waawi haangeede.
Mi janngii kala ko fayti
e beltingol jinneji
haa nedso heba doole,
kono mi naataani e dum.

Min kebbina deedi amen

Ngon-mi jooni
almuudo peewdo e janfe.
Dum hadaani mi yahde yiiloyaade
e sukaabe wuro amen.
Mido yahatnoo e kikiideeji keewdi
amdyode e sehilaabe am.
Ko buri heewde e diin kikiideeji
ngasirta ko nguykayon tokoson.
Min keevi wujjude ko gese gerte.
Nde min **ngummitii**
to min ngamatnoo to,
fot watat ko min **keyd'i**.

Min ndaroo sara ngesa gerte
walla ngesa suuna,
min kebbina deedi amen.

Nguurndam ma juutataa

Nde keb-mi duubi sappo e jeetati,
kaaw am wiyi kam
yo mi yah wuro wodnro
haa mi ekkitoo ñootol.
O wiyi kam: "Alhajji, ko a suka tawo,
so heddiima e feewnude ñawndoole,
so reendaaki,
nguurndam ma juutataa.



© ITP

Mido jogii sehil ñootowo
baawdo jannginde ma
e toppitaade ma.
So yehi haa a mawnii,
a jogii fotde
duubi capande tati
e oon sahaa afa waawi
wontude ceerno."

Nii woni ngondu-mi e sehil makko.

Mido ekkitoo ñootol
fotde hitaande e feccere.

Nde ngartu-mi to galle nde,
tawa mi waawii wuurnude hoore am
e meccal ñootol.

Kebole dewgal

Kaaw am wiyi mi ñalawma gooto:
"Alhajji a yontii resde."

Ndeen woni noddia mi
dental neder galle.

Neene am kañum e kaaw am kolli mi
sago mum'en e ko fayti e desgol am.
"Kebole fof peewnaama.

Min kebanii ma **mboomri** moyyiri
ndi pod-daa resde.

Min nijiyi mo te emin mbelti e makko.
So duum yawtii galteeji amen
ko sehilaabe."

Kaaw am holli wonde ko kajko
roondotoo kala ko wadaa heen.

Kummba, ko innde cubanaado am o.
Mi alaa bernde wodnde
so wonaa jaabde ko haala ko.

So Alla, Kummba e hoore mum tinii
ko hebletee ko.

Min calmondiri. (Yamal waddaama)
nde wonnoo koreeji makko
e koreeji am ngaadondirii.

Caggal duum, min jiytidaani.

So min kawrii, heen sahaaji,
o dogat kam.

O wonaa jiddo fottude e am.



Dewgal amen humaama

otde hitaande timmata,
tawa ñalngu dewgal sortaama.

Kaaw am soodani debbo am
kala ko pottaa wafeede
e nder aadaaji amen.
O moofti e nder galle makko.
Ñande cuddu ngu,
sehilaabe am heewbe njahdi e am
wuro woofngoo woffdungo.
Kummba heddi e nder galle mumen,
nde wonnoo pijirlooji mbelammaaji fo
ina tawee toon.
Nde yahi haa jenngi e oon sahaa
be navtti mi galle amen.
Nde min jahata nde,
sehil am gooto towi mi
e dow **balabe** mum.
O yaawi tampude.

Min ngami, min njimi

Min ndartii, min pooftii.
Min ngami, min njimi e nder dumunna.
Ndeen mbiyaa-mi yo wood ko njoob-mi
ko addii nde godfööd towata mi
e dow balabe mum.
Ndeen woni dooftii-mi
ko haala ko min njokki laawol.
Nde min njehi seeda min ndarti kadi,
mbiyaa mi kadi yo wood ko njoob-mi.
Kummba ne roondaa
hono no ndoondoraa mi nii,
haa naatirde suudu neene am.
Wudere wertaa do naatirde do,
wiyaa wonde ko yo o hokke kaalis
hade mo naatde.
Koreeji am e sehilaabe am
mbeddii kaalis keewdo
e dow wudere he.
Ebe ngama, ebe njima, ebe njala.
Nde min ngayni fijirde nde,
kaalis o hoccoa.
Kummba naati nder suudu neene am.

Aadaaji amen

E dooftaade aadaaji amen,
Kummba naataani suudu am
ñande heen.
O wondi ko e neene am.
Omo walla mo e defde e wuppude
fotde balde jeedidi.
Ñande ñalawma jeetaabijjo,
o naati suudu am gadanol makko.
Janngo e mum, kaaw am addanii mo
njeenaari keewdi
jawitiid e aadaaji amen.
Nde dum benni o nawtaa galle maabbe
fotde yontere.
Sahaa fof mido salminoya mo toon.
Caggal duum,
o artiraad galle neene am.
Nde dum yawti o wonti
ko e les yamiroore koreeji am.
Ko buri heewde e golle e nder galle,
ko kanjko toppitii.
Ko buri heewde
e dumunnaaji,
o takkotoo
ko neene am.
Nde hitaande yawti,
dokkaa mi mo.
O wonti



© ITP

"jom suudu am".
E oon sahaa
omo yahra
e duubii
sappo e nayi.
Miin mido yahra
e duubii
noogas e didi.

Kabaruuji caggal leydi

Yettoore woodanii
Alla.
Mi wadfi
gede keewde
e cukaagu am.
Kono noon haa jooni
mido yidi beydude.
Julqkoobe
gaddani
mi kabaruuji fayde
e bure be kebi,
e nder leydeele godde.

Diin kabaruuji aawii nder bernde am
yidfe jogaade ko buri ko keb-mi ko.

Demmba ina jeyaa e maabbe.A wadaani

O wiyi mi: "Aan, Alhajji,
hol no mbaawir-daa heddaade doo
tawa e nder ngel doo gurel?
A nayaani, a wadaani!
Hol ko had ma yiiloyaade arsuko ma
fayde Gammbi duubi seeda?
Toon ina deeyi te alaa cadeele!
Kaalis Gammbi ina tiidi.
Marsandiis mum ina weebi no feewi."
Duum doo tan yonii kam waajo.
Mido moofunoo kaalis,
fotde ko waawi
mi nawde haa Gammbi.
Nde njettin-mi mijo ngo galle amen,
kaaw am haawi kam.
Kanko e hoore makko, omo joginoo
hono ebbannde njogii-mi nde.
O wiyi kam: "Njahden,
haa mido waawa wallude ma."
Keb-mi weltaare mawnde.
Nguurndam am ina wayino
ko jogori welde.

Nduttagol nder ladde

Mi weltiima ñalnde njeyaa-mi
e **didfal** capande tato e jeegom.
Min njehii fotde balde jeegom.
Min njettii sahre wootere mawnde
sera keerol ngol.
Min njillii doon gorko gooto
baawdo benninde min keerol e kisal.
E dumunna dabbo,
mbele emin mbaawa
bennude keerol ngol
e nder oon kikiide.
Gooto e amen kala yobi dowoowo o.
Caggal nde min njehi
fotde waktuji jeegom
tawi min njettiima Senegaal
ko aldaa e cadeele.

Rajo
A waawat hedaa kibaaru moyyo oo he rajo maa hee.
Senegaal (Pulaar)
"SUD FM" oljumaa kiikiide fuddi 21:25



Saint Louis: 93.2 FM;
Ndioum: 93.9 FM;
Matam: 98.4 FM; Bakel: 97.5 FM
"RTS FM" talaata kiikiide
fuddi 20:15 haa 20:30
96.3FM (Richard Toll, Podor,
Oroussogui)

"Dunyaa FM" talaata kiikiide fuddi 20:15 haa 20:30 Saint-Louis: 106.3; Louga: 91.8

"Dunyaa FM" talaata kiikiide fuddi 14:30 haa 14:45 Richard Toll: 106.0 FM

Gine Bisaawo (Pulaar) 104.8 FM
Radio Quelele alet bimbi fuddi 9:30 haa 10:00
"Trans World Radio" (Fulfulde) **kiikiide** fof
fuddi 18:30 (waktuji Mali) meeteraaji 31; kHz 9510

Min ngonnoo ko e ladde mawnde.
Ina fuddinoo tofde.
Fof leppi.

Kulol ko anndaaka moji min

Ko min maaynoobe tampere.
Kala nokkuuji
baroode ina kulbinira min
dille mumen.
Kulol ko anndaaka moji min,
teentini ngonka doole birniide
e nder dee ledde e dee baroode.
Nan-mi yimbe ina mbiya:
"Hee, Sammba, dowoowo,
hol to ngon-daa?"
Naamnal ngal sarii e nder **didfal** he,
no cumu ladde nih.
Hay gooto jaabaaki! Kaaw am wiyi:
"Banndiraabe am,
dum hulbinima benninde jamma.
Pobbi e cewdi conngat en
so en keddiima e dow leydi.
Keño-den! Njabb-en dow ledde.
Pad-en haa wenndoogo.
Danndugol men
burata wonde ko dow."

Subaka tawa mido wuuri

Jooni mido wondi e kulol mawngol,
ñagii-mi Alla tan ko yiye mi
subaka tawa mido wuuri.
Oo jamma ko kulbinido no feewi.
Kono hadaani mo gasde (weetde).
Pudgol naange findinii hakkilaaji
e danngal.
Kaaw am rentini min les lekki.
O janngi cimooje kur'aana.
Caggal düm,
min ngonti e **yillaade** wuro.
Nde wonnoo edum jogori moyyude,
min kawrii e yimbe jeyaabe.
Been kolli min laabi peewdi.
Ndeen woni min njettii wuro
to min potata waawde hebde jolde
fayde Gammbi.

(Kaa taariika di heddi to yeeso.)

Yuusufa, jom koydi

(Feccere didmere nde)

Barke Joomiraado

Yuusufa **nawaa** Misira.
Potifaara, Misiranaajo, soodi mo
e yimbe leñol Isma'ilila,
addunoobe mo toon be.
Joomiraado wondi e makko;
ko o wadi fof moyya.
O hodii e nder galle kaliifa makko.
Kaliifa makko o yiyyi
Joomiraado wondi ko e makko.
Joomiraado ina moyyina
kala ko o yetti,
hoolii mo no feewi,
takki mo e sara mum
omo ligganoo dum,
wadi mo kadi mawdo galle mum.
Gila Potifaara wadi mo
mawdo galle mum,
Joomiraado jippini e mum barke
sabu makko.
Barke Joomiraado jippii
e kala ko o jeyi e galle he e gese he.
O itti kala ko o jeyi,
o wadi e juude Yuusufa.
O toppitaaki hay huunde e galle he,
so wonaa ñaamde makko.

Yuusufa e debbo Potifaara

Yuusufa ko moyyo mbaydi,
jom lamdam.
Nde duum benni,
debbo kaliifa makko yidi mo,
wiyyi mo yo be pijdu.
O salii, o wiyyi debbo o:
"Ko miin, kaliifa am kalfini
ko woni e galle ko fof.
O meedaa yiye e am ko boni.
O hooliima mi.
O wadii e juude am, jey makko fof.
O buraani mi mawnude

e nder galle he.
Alaa ko o haawanii mi e galle he.
Alaa ko o hadi mi heen
so wonaa aan,
sabu ko a jom suudu makko.
Hol no mbaawirat-mi wadde
bonannde waynde noon,
mi **bakkodina** kadi fayde e Alla?"
Alaa fof no o haaldiraani
e Yuusufa ñalawma fof.
Oon hedhaaki mo.
O salii leldaade e makko,
hay wondude e makko.
Wadi ñalawma gooto,
ndeen o arii
e nder galle he omo liggo,
tawi hay gooto e yimbe galle be
alaano doon,
debbo o jaggi e wutte makko,
wiyyi mo: "Ar fijdu e am!"

Neddo saaysaay

Yuusufa dogi,
woppi wutte mum e juude makko,
fayi boowal.
Ndeen debbo o yiyyi
o woppii wutte makko e juude mum,
dogi fayi boowal kañum ne,
noddii yimbe galle be, wiyyi dumen:
"On njiyi o addanii en do
neddo saaysaay?
O arii e am, o wiyyi omo fijda e am,
ngullu-mi doole.
Nde o nani mi wullii doole,
o woppi wutte makko e sara am.
O dogi, o fayi boowal."

O naati fitina mawdo

Debbo o yetti wutte o,
fawi dum e sara mum
haa jom galle mum arta.

Firooji	
Fuutorajkoore	Fulakundaare
nawaa	nañaa
bakkodina	ronndo hakke
ngullu-mi	mbullu-mi
wondaaka	haajanooka

Ndeen jom galle makko artii,
o haalani dum, o wiyyi dum:
"Maccudo ma mo ngaddu-daa o,
arii fijdude e am.
Ndeen mi wullii tan,
o woppi wutte makko e sara am.
O dogi, o fayi boowal."
Potifaara nani
ko jom suudu mum wiyyi dum
e maccudo mum ko,
naati fitina mawdo.
O jaggi Yuusufa,
o wadi dum e kasoo mo laamdo
o wadatnoo sokaabe mum o.
O sokaa doon.

Joomiraado wondi e Yuusufa

Joomiraado wondi e Yuusufa,
jippini e mum moyyere mum.
O wadi
mawdo kasoo o yidi Yuusufa.
Mawdo kasoo o
kalfini mo sokaabe be.
Hay huunde alaa ko wadetee
e nder kasoo he
so wonaa tawa ko kanjo wadi.
Mawdo kasoo o
wondaaka ko daldi Yuusufa ko nih,
sabu Joomiraado wondi
ko e makko.
Kala ko Yuusufa wadi,
Joomiraado moyyina dum.

(Kaa taariika iwi ko e feccere adannde e
Tawreeta, wiyyeteende Lasli simoore 39.
Jokkol Booyataa garoowo o.)

Fii mbaaw-daa neleede cuycay Booyataa ko maa mbinn-daa men hitaande woo. Winndu innde e yettoode maa ndee e ñiibirde ma ko yi'i nii. Winndu to les, maa winndu men bataake.

Innde am:

Yettoode am:

Ñiibirde am:

No foti njid-daa saakde lebbi jeego fof:

To a don janga Fulfulde bana haa Adamawa, windu ngam "Badake", a heban!

Ruttin dum do: **Booyataa**, BP 198, Dakar-Fann, République du Sénégal
walla: **Booyataa**, WILLINGTON, Derby, DE65 6BN, UK walla e-mail: pulaar@soon.org.uk

Min nimsi no feewi
fii min mbaawataa
wallude janngoobé
Booyataa bee hono
no dokke nii. Min
mbaawataa okkude
ligge walla wallude
waawde arde
Angeeter. Ko min
jogii koo, ko fii tan
saaktude Booyataa.

© ITP =
Intermediate Technology
Publications